

L. N. J.
DISSERTATIO
DE
JUVENTUTE
IN
RELIGIONE
CHRISTIANA
CONTRA OPINIONEM
ROUSSEAUIANAM
INSTITUENDA,

QUAM,

*Ex mandato Reverendissimi Dn. DOCT. EPISC. & PRO-
CANCELLARII, nec non Summe Vener. Confift. Ecclesiast.
Conf. Ampl. Fac. Phil. in Regia Acad. Aboëns.*

Publico Examini subjiciunt

A U C T O R

FRIDERICUS COLLIN,

Phil. Mag. & Colleg. Schol. Cath. Ab.

ET RESPONDENS

ISAACUS NORDBERG,

Nylandus.

IN AUDIT. MAJOR. Die XXVII Maji An. MDCCCLXXV.

Horis ante meridiem confvetis.

ABOÆ Typis JOH. CHRISTOPH. FRENCKELL.

à
MONSIEUR
CHARLES
FRIDERIC
FREDENHEIM,

SECRETAIRE du Roi dans *Les affaires Etrangères.*

MONSIEUR,

Le véritable zèle, que Vous avés toujour marqué pour notre Religion, joint la grace, dont Vous m' avés honoré pendant plusieurs années, me donnent l' hardiesse de Vous dedier cette dissertation. Je Vous supplie très humblement, Monsieur, de l' agréer comme une preuve de la gloire & du respect, avec lequel j' ai l' honneur d' être

MONSIEUR,

*Votre très humble &
très obeissant serviteur*

FRIDERIC COLLIN.

§. I.

R^ectam juventutis institutionem inter præcipua refe-
rendam esse fulcra, quibus felicitas humana inni-
titur, rem rite penitentem in dubium vocaturum
puto neminem; nam res adeo clara est, ut sua ferme
radiat luce. Informatio enim rite instituta, hominem
reddit eruditum, virtutibus ornatum, aptumque ad glo-
riam Benignissimi Creatoris illustrandam & suam alio-
rumque perfectionem pro virili promovendam. Abs-
que ea vita mortalium nihil aliud foret, quam maxima
miseria, ferina conditio & mors potius, quam vita cen-
fenda. Intellexerunt omnium temporum sapientissimi,
intellexerunt quoque magni Civitatum Moderatores, tam
publicam, quam privatam salutem ex hoc pendere mo-
mento. Hunc ergo in finem præclara exstant Eruditio-
rum & de genere humano optime meritorum præce-
pta; multa quoque occurrunt instituta publica, & magni
sumtus facti sunt, quibus si exitus responderet, felicissi-
ma ubique mortalium vivendi conditio foret. Sed, quod
dolendum! multi, quibus propositum, educationis re-
ceptæ nœvos emendare, eosdem augent potius, quam
imminuunt. Quid? quod inter Christianos etiam den-
tur illi, qui perversas, immo impias non modo fo-
vent ipsi opiniones hac de re, sed illas publicis et-
jam evulgant scriptis. Horum in numerum refe-
rendus ROUSSAU, qui librum hoc titulo edidit:
Emile, ou de l' education (a). Contigit autem huic
auctori, quod illis non raro accidere solet, qui se
ipso acutum videre putant, ut in meridiana etiam
luce cæcutiant. Multa enim ejus circa educationem

liberorum instituta præter rationem sunt proposita. Quod ne gratis adseruisse videamus, unico tantum exemplo contra auctoris hujus argutias ostenderimus, teneros & juveniles animos veræ Religionis sensu imbuendos esse.

(a) Librum hunc in lingvam Germanicam transtulit anonymous quidam, notisque nonnullis castigavit, quibus gravissimos ejus detectit errores, ne simplices a seducente seducerentur in re tanti momenti. Prodiit hic liber in lucem An. MDCCLXII. tali inscriptio: Herrn JOHANN JACOB ROUSSEAU'S Bürgers zü Genf Uemil, oder von der Erziehung aus den Französischen übersetzt, und mit einigen anmerkungen versehen.

§ II.

Quanta Religionis, præcipue Christianæ sit præstantia, ipsa ejus indoles probe expensa satis ostendit. Hæc cognitionem nostram de Deo & rebus divinis naturalem, mancam ac debilem supplet, viamque monstrat optimam perveniendi ad veram felicitatem & præsentis & futuræ vitæ. Hunc quoque in finem virtutem serio ineulcat, propositis ejus genuinis motivis norma & obligatione, atque ita nos in bono exercendo confirmat. Ostendit etiam, quale pretium rebus caducis & aternis statuendum sit, nosque certissimos facit de perenni harum possessione. Porro, purissimas excitat foverque voluptates, quæ nunquam in tedium aut dolorem ut mundanæ degenerant. Animum nobis addit perferendi adversitates, simulque erudit, quomodo nos in secunda fortuna prudenter geramus. Hæc solarium parit svavissimum in vita ac morte, conscientiamque tranquillat. Firmissimum quoqne est omnis societatis vinculum, quo Imperantes ac parentes intra officiorum gyrum continetur (a). Hæc Civitatem reddit felicem, & contra hostium insultus potentem. Hæc intestinas discordias & seditiones reprimit, amorem Patriæ inflammat, obedientiam

tiam legibus efficit & fidem ac concordiam mutuam alit atque auget. Ubi igitur hæc viget, ibi boni mores virescunt, & salus publica ac privata firmo semper statalo. Hæc & plura alia Religionis Christianæ commoda, qui rite perpenderit, is vel me tacente deprehendet, illum dignissimam omnino esse, quæ singulis inculchetur hominibus, cuiuscunque demum fuerint ætatis, sexus & conditionis.

(a). Confr. PUFENDORFIU diff. de Systematibus Civitatum §. VII & diff. de vere Politice Concordia cum Religione Christiana, ubi ostendit Lutheranam utiliorem esse Civitati, reliquis Christianæ Religionis Sectis, utpote Pontificia, Calviniana & Fanatica.

§. III.

Quo ergo contra ROUSSEAU probemus Religionis & maxime Christianæ principia, teneræ instillanda esse ætati, provocamus primo ad hanc regulam, omni exceptione majorem: *a teneris adfvescere maxime necessarium est.* Veritatem ejus agnovere sapientiores etiam pagani. Legatur modo aureus Plutarchi Cheronensis libellus περὶ ταῦτα ἀγορῆς. Ratio hujus axiomatis residet in ipsa hominis natura. Hæc enim tenerrima sua ætate, ceræ haud dissimilis, mollis & flexibilis est, cui variae ideæ facilime imprimuntur, quæ mox altas agunt radices, difficulter postea extirpandas. Si ergo Religionis principia tener imbiberit animus, firmissime eidem inhærebunt, egregiosque progignent effectus subsequenti tempore. Aut neglecta Religionis cura, necesse est, ut impietati sensim adfvetcat corrupta natura, falsa pro veris apprehendendo, quæ ægerimè deinde avelluntur. Recte enim HORATIUS canit: *Quo sennel est imbuta, recens servabit odorem testa diu.* (a).

(a) Epist Lib. Prim Ep. II.

§. IV.

Maxime erroneam de natura hominis fovet ROUSSEAU opinionem, cui suam superstruit hypothesin de Religione pueris teneræ ætatis non instillanda. Putat enim naturam per se esse bonam, & sic proclivem ad virtutem quamlibet exercendam, modo indolem suam liberis liceret sequi, & informatione non corrumperentur, naturali propensioni repugnante. Optimam enim magistram existimat esse naturam. Hinc somniat, nulla vitiorum semina esse ingenita animis illorum, nec per se talia oriri, verum ea originem debere institutioni, qua sola ignorantia, credulitas & prejudicia, verbo: vita quævis teneris ingeruntur animis (a). Fatemur, pro dolor! prava educatione pueriles animos corrupti, minime tamen hanc unicam esse scaturiginem vitiorum contendimus, sed primas partes naturæ hominis corruptæ attribuimus. Hæc enim sibi relicta nunquam bona appetit vel facit, sed cum MEDEA videt meliora probatque, at deteriora sequitur. HORATIUS igitur notanter fatetur: *Vitiis nemo sine nascitur, optimus ille, qui minimis urgeatur* (b). Infantes a prima ætate, & prius quidem, quam aliorum exempla imitari didicerunt, corruptos esse, ostendit ipsa vitiositas naturæ, quam semper variis produnt modis. Præterea nec habitum peccandi tam facile sibi contraherent, nisi natura prolives essent ad mala patranda. Exulat itaque naturalis illa bonitas, quam tan-topere commendat ROUSSEAU, quum nemini congenita sit, sed tota ab institutione dependeat. Hinc nova nobis enascitur ratio urgendi Religionis simul cum lacte materno instillationem.

(a). Confr. Tom. I. & II. (b). Satyr Lib. I. Satyr. III.

§. V.

Porro observamus, Disciplinæ Moralis fundamentum esse

esse animæ humanæ immortalitatem, qua ignorata, omnis spes atque metus futurorum bonorum & malorum languesceret, & motiva virtutis colendæ, vitiique evitandi nulla omnino forent. Nihilo tamen minus eo usque progreditur ROUSSEAU, ut discipulum suum de reactanti momenti plane non erudiat, quin potius relinqvat eum in supina sua ignorantia, adeo ut anno ætatis XV, vel XVIII prorsus nesciat, an habeat animam, cujusque naturæ illa sit. (a). Quum vero firmissimis ab eruditis demonstrata sit argumentis animæ immortalitas, ex interiore ejus indole derivatis, nihil obstat, quo minus hæc reactanti momenti doctrina liberis mature imprimatur, ut rite discant cognoscere se ipsos, suamque conditionem, & inde ad cognitionem officiorum Deo, sibi ipsis & aliis præstandorum deducantur. (b). Turpisimum certe est alia scire, se ipsum vero ignorare, foris lyncem & domi talpam esse.

(a). Tom. II. (b) PUFFEND, de offic. Hominis & Civis Cap. V, § IV.

§. VI.

Fallit etiam & fallitur ROUSSEAU, dum contendit tempus confusa institutione frustra teri. Nunquam enim illud fructuosius impenditur, quam pueros perducendo ad cognitionem Dei; quum hæc fundamentum sit firmissimum omnis nostræ felicitatis, omnemque cognitionem, quocunque nomine veniat, longe antecellat, & maximos patiat usus § II. Quo igitur maturior, intensior & vividior hæc fuerit cognitio, eo aptiores redduntur animi, promptioresque ad gloriam summi Numinis illustrandam, suam aliorumque felicitatem quaerendam, quæsitamque ardentissimo studio atque opera finibus divinis congruenter augendam. Sic Naturalismo, Atheismo, Epicureismo, cæterisque portentis omnis præcluditur via. Quod adversarius ipse invitus licet

concedere videtur, dum dicit nostros discipulos prius evadere Philosophos & Theologos, quam suus alumnus audiverit Deum nominari. Causam perversæ educationis hanc novimus esse, quod sibi ipsi & aliis falso persuadere velit, fieri non posse, ut immatura ætas adsequi possit veritatem præceptorum Religionis. (a). Verum isthac opinio sibi nequaquam constabit. Quæ enim in Religione proponuntur, partim ad facienda, partim ad credenda, pertinent. Enimvero præceptorum de actionibus vel suscipiendis vel omittendis, quædam adeo clara sunt, ut sine longo rationum syrnate solide demonstrari queant, adeoque de singulorum horum veritate, per probam aliorum institutionem, convinci possint homines tenerioris etiam ætatis. Præterea, quum puerulus etiam persuaderi possit, quod Deus sit Ens perfectissimum, quod proinde nec falli, nec fallere queat, fide non carbonaria, sed simplici plane credit vera esse, quæcunque ipse hominibus revelavit. Sequitur ergo, ut credenda etiam liberis instituendis proponi & possint & debeant. ROUSSEAU vero per sua placita portam latissimam aperit vitiis quibuslibet proterve patrandis, hominesque in bestias transformat. Nec aliter fieri potest, cum afferat, liberis relinquendam esse licentiam agitandi omnia pro libitu, nec illis obligationem ullam, aut officia inculcanda esse; sic educatos in omni nequitia, putat ipsos, adulta ætate, ad saniorem reddituros mentem (a). Sed quis sibi unquam persuadebit, liberos detritis florentis ætatis viribus, foedissimis cupiditatibus freua continuo laxantes, vitam faciliter emendaturos vel inveteratum peccandi habitum deposituros? Prava enim consuetudo altera est natura, qua homo servus cupiditatum suarum evadit, & sine rubore vitia, quibus sensim adsverat, committit. Superior certe humana hic requiritur vis, si talis corrupta indoles ad meliorem reducatur frugem.

§. VII.

Sed quum cardo institutionis ROUSSEAVIANÆ in eo vertatur, quod liberi, qua animam, putentur adeo infirmi, ut veritatem eorum, quæ de Deo sciri debent, capere non possint, hanc præsumptionem paulo penitus adhuc examinemus. Est homo, uti sua quemvis docet experientia, eximiis a Creatore instructus animæ facultatibus, quarum potiores sunt intellectus & voluntas, quæ accidente debita directione & exercitatione, possint excitari, excoli & ad habitum sensim deduci. Hæ facultates, quamvis primis annis, fasciis velut involutæ jaceant, produnt tamen se adesse, observando & imitando ea, quæ sensibus obveniunt exter- nis. Hinc clarissime patet exempla pietatis teneræ inge- sta menti, ibidem semina velut spargere, radicesque a- gere insensibiles, postmodum in lucem erupturas. Ob- servamus etiam ipsa præcepta, quæ vel viva voce, vel nutu ac gestibus imprimuntur nostris, vim suam in te- neros exercere animos; quod minime fieret, nisi illis aliqua competeteret capacitas percipiendi res in sensus in- currentes, qualescunque demum illæ fuerint. Porro hanc thesin corroborat veritas a sanioribus stabilita, scilicet Deum menti humanæ impressisse sui ipsius cogni- tionem; quod tamen non ita accipendum, quasi in ea velut in tabula aut charta actu posita esset, quam mens contemplaretur; sed quod habeat facultatem & potentiam propinquiorem, adolescentे ætate, & crescente sen- sim judicio, assentiendi veritatibus clarissimis, maxime fundamentalibus theoreticis & practicis. Non tantum hoc, sed & sanctissimæ a se latæ legis notitiam inplanta- vit nobis, vi cuius perfecte obligamur omnes in univer- sum, ad officia nobis injuncta observanda.

§. VIII.

Proximum est, ut demonstremus, principia veræ Religionis ante omnem aliam cognitionem, quocunque nomine veniat, liberis a nativitate instillanda esse. Probationem petimus ex ipso objecto cognitionis, ejus commodis & obligatione. Quo enim præstantius est objectum, quo majorem illud habet influxum in felicitatem nostram quo denique arctior datur obligatio ejus acquirendi, eo prius, magis & exquisitius illius rei notitia comparanda est. Illarum vero rerum, quæ objectum cognitionis humanæ constituunt, nullum certe datur nobilis ipso Deo; cuius perfectionum notitiam, quantum ex natura & revelatione patescit, omnibus aliis meditationibus præferre convenit. Est Deus Creator noster, qui nobis essentiam & existentiam dedit; est Conservator, cuius gratia maximis in dies fruimur animæ, corporis & fortunæ bonis; Est fons salutis, cui redemtionem & vitam debemus æternam. Talem noscere Deum, quid gloriosius? quid homine, quid Christiano dignius? Hæc notitia si vera & efficax fuerit, summa pollet vi permovendi animum ad debitam venerationem, quæ conjunctim sumtæ, Religionem absolvunt. Prono hinc sequitur alveo, Religionis principia primum liberis inculcanda esse. Idem porro patescit, si commoda Religionis § II. paucis allata contemplari nobis libuerit. Tanta vero bona frustra aliunde exspectantur vel queruntur, quum nullibi inveniantur, nisi apparentia, caduca & transitoria. Sola vero Religio Christiana abunde satis sectatoribus suis ea, re ipsa præstat, quæ pollicetur. Cum autem homo appetat ea, quæ bona sint, & hic appetitus intendatur pro præstantia & magnitudine bonorum intellecta, sequitur, liberos, a primis statim annis, ad yiyam horum bonorum cognitionem, informatione perdu-

perducendos esse, ut eo citius eorum participes reddantur, quoniam iis minime carere possunt.

§. IX.

Supereft, ut paucis agamus de obligatione tam liberorum, quam parentum respectu Religionis. Lex divina obligat omnes ad procurandam suam aliorumque felicitatem, ergo etjam liberos & parentes. Quod ad liberos attinet, quatenus illi natura instructi sunt rationali, suam quoque a Deo dependentiam, naturæ corruptionem, præcepta Religionis & commoda percipere posunt §. VI. ac debent. Ex cognita dependentia, inculcandum illis: mementote Creatoris & Conservatoris vestri, Eum rite cognitum colite cultu interno & externo, non modo privatim, verum etjam publice cum aliis, ut mutua sit animorum excitatio & communis officii summi Deo debiti ingenua professio. Ex intellecta corruptione in primis inculcandum illis: Felicitatem vestram exoptate, omnique studio Religionem Christianam discite, ut Deo grati, vobis felices & aliis utiles olim evadatis. Nec minus parentes eodem Legis divinæ præcepto obstricti sunt, ad veram Religionem liberis summa cura instillandam. Si enim in genere obligantur ad quorumlibet felicitatem promovendam, multo magis in specie salutem liberorum suorum maximo procurabunt studio, cum nullus naturaliter inveniri possit, cui hoc officium proprius competit. Idem etjam inculcat Scriptura Sacra variis in locis. Sic Abrahamo (*a*) & Israëlitis præcepit Deus, ut ante omnia liberos suos in vera erudirent pietate; quod præceptum in N. T. etjam repetitur, ad ostendendam summam rei necessitatem & utilitatem (*b*). Et tanto quidem magis parentes hoc suum observabunt officium, quanto certius constat ipsorum saepe felicita-

tem ex bona liberorum dependere educatione. Contra si parentes huic officio non satisficerint, impingunt gravissime non modo in illud legis divinae præceptum: Deo nostro obediendum; verum etiam in hoc divinum mandatum: neminem lædite. Læduntur vero liberi permittendo illis omnem licentiam, quidvis pro libitu agendi, non instillata illis Religione Christiana.

(a) Gen. XVIII, v. 19 Deut IV, v. 9, 10. (b). Eph. VI, v. 4.

§. X.

Effet quidem nobis hic locus ostendendi modum, quo parentes liberos suos ad Religionis Christianæ cognitionem perducere deberent; verum ne dicendorum multitudine obruamur, Benevolum Lectorem ad eorum scripta remittimus, qui materiam hanc egregie & copiose satis exposuere (a). Optamus modo ut parentes & alii, quibus liberorum institutio est demandata, rite partes suas, in tanti momenti re agant, quo salus publica & privata, majori studio promoveatur, in primis vero Summi Numinis Gloria illustretur, Cui sit Laus & honor in Sæcula Sæculorum!

(a) Conf. RAMBACHII Liber a Svenone BÆRENSTEN in lingvam svecanam translatus Grundlig och Tydelig Underwisning om Söråldrars och Informatorers Plicht wid Barna upfostran. Et autem liber JOHANNIS BERGSTRÖM haec inscriptione editus: Sörskt til den rätta Christeliga upfostrans kunnedom och Wärftällighet.

